



INATSISARTUT

Aningaasaqarnermut Naalakkersuisoq

Ulloq: 13. august 2020
J.nr.: 01.31.06/20-00898

Aningaasaqarnermut Akileraartarnermullu Ataatsimiititaliap pingasunnornermi ulloq 12. august 2020-mi aalajangiineranik Naalakkersuisunut ilisimatitsineq.

Aasianni Qaqortumilu inissialiortitsinissanut aningaasanik atugassanngortitsinissaq. – suliaq nr. 01.31.06/20 – 00898.

- ”Naalakkersuisut inassutigaat,
 - konto pingaarnep 89.72.12 Inissialiassat, taartissanillu inissialiortiternerup ataani pilersaarummut nr. 996.32.124 Inissianut aningaasaliissutit, 2020-mi 18 mio. koruuninik ilaneqassasut aamma
 - konto pingaarnep 89.72.12 Inissialiassat, taartissanillu inissialiortiternerup ataani suliaq nutaamut nr. 996.32.140 Inuusuttunut inissiasanut - typehusissanut aningaasaliissutit, 2020-mi 2,3 mio. koruuninik ilaneqassasut aamma
 - kontomi pingaarnep 89.72.12 Inissialiassat, Taartissanillu inissialiortiternerup ataani suliaq nutaamut nr. 020.30.025 Atorluuanissaq tunngavigalugu inissiat, Qaqortoq aningaasaliissutit 2020-mi 6,9 mio. koruuninik ilaneqassasut, aamma
 - konto pingaarnep 80.00.10 Sanaartugassanut Iluarsagassanullu Aningaasaateqarfimmit utertitanut aningaasaliissutit, 2020-mi 27,2 mio. koruuninik appartinneqassasut.”

Aningaasaqarnermut akileraartarnermullu Ataatsimiititaliap oqaaseqaatai apequtaalu:

Ataatsimiititaliap Naalakkersuisullu akornanni oqaloqatigiinnerup pitsaasup, suliaq matuma taamak piaartigisumik ataatsimiititaliamit akuersissutigineqareerneranik nassataqarsimanera ataatsimiititaliamit nuannaarutigineqarpoq. Aasianni inissianik sanaartornissamut aningaasaliissutinik nuussinissamik Naalakkersuisut qinnuteqaataat sanaartornermi suliaqartitsiniernerup nunap immikkoortuinut tamanut siammarterneqarnissaata qulakkeerneqarnissaa-nik ataatsimiititaliap kissaataanut naapertuuppoq.

Konto pingarneq 80.00.10 Sanaartugassanut Iluarsagassanullu Aningaasaateqarfimmit utertitanut tunngasoq aqqutigalugu COVID-19-ip pakkersimaarnissaanut suliniutit aningaasalersornissaat. – Suliaq nr. 01.31.06/20 – 00880-imut tunngatillugu ataatsimiititaliap Naalakkersuisunut apequtitit allakkiaani ataatsimiititaliap ilaatigut ima allappoq:

”Ataatsimiititaliap isumaa malillugu sanaartornikkut suliaqartitsiniutit iliuusissat arlallit pisariaqarluinnartut aallartinneqartussat nunatsinni nunat immikkoortuinik, kommuninik imaluunniit innuttaasunik aalajangersimasunik salliutitsissanngillat. Taamaatumillu suliniutit nunatsinni tamarmi najukkani suliffissaqartitsinermut sammitinneqar-

nissaat ataatsimiititaliamit kissaatigineqarpoq. Ataatsimiititaliaq isumaqarpoq assersuutigalugu ilinniartut inaannik sanaartorneq, ilinniarfiit aammalu aningaasanik allatigut atugassanngortitsinissaq aamma isiginiarneqassasut.”

Pisumi matumani immikkorluinnaq ittumi, suleqatigiilluni inissialiormik suliniuteqarnermik nassataqartumik kommunit suliamut akuulersinneqarsimanagerat ataatsimiititaliamit nuannaarutigineqarpoq. Aasianni Qaqortumilu inissialiortitsinissaq pillugu suliniummut qinnuteqaat, inissiaateqarnermut suliassaqarfiup kommuninut nuunneqarnissaanik piareersaaruteqarnerup ingerlasup inernera utaqqeqaanngikkaluarlugu, ataatsimiititaliamit naammagisimaarlugu akuersissutigineqassaaq.

Aningaasaqarnermut Akileraartarnermullu Ataatsimiititaliap aalajangiinera

Aningaasaqarnermut akileraartarnermullu Ataatsimiititaliap qulaani allassimanageratut oqaaseqaateqarluni Naalakkersuisunit inassuteqaatit **akuersissutigai**.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua